

## Ո Ր Ո Շ ՈՒ Մ N 77

վարչական գործի վարույթը կարճելու մասին

<25> հունիսի 2019թ.

ք.Գյումրի

ՀՀ ՊԵԿ Հյուսիսային մաքսատուն-վարչության պետի պաշտոնակատար Վահագն Միրզոյանս, քննելով Հոհլե Գեբստրաուբինգերի (Գերմանիայի Դաշնային Հանրապետության քաղաքացի, անձն. CG62CW5CL) կողմից մաքսային կանոնների խախտում կատարելու վերաբերյալ նյութերը

### Պ Ա Ր Զ Ե Ց Ի

Հոհլե Գեբստրաուբինգերը 15.05.2019 թվականին թիվ 0000397542 մաքսային մուտքի օրդերով 30 օր ժամկետով՝ մինչև 15.06.2019 թվականը ՀՀ տարածք է ներմուծել NISSAN-NAVARA մակնիշի, ERF5535 պետհամարանիշի, 2015 թվականի արտադրության ավտոմեքենա, սակայն խախտել հետագա արտահանման պարտավորությունը:

Փաստի կապակցությամբ 24.06.2019 թվականին Հոհլե Գեբստրաուբինգերի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի հատկանիշներով:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանափակումների վերաբերյալ տեղեկություն ստանալու նպատակով: ՀՀ ՊԵԿ Ներքին անվտանգության վարչության 25.06.2019 թվականի թիվ Ն/2-5/69451-2019 գրությամբ տրամադրված տեղեկությունների համաձայն Հոհլե Գեբստրաուբինգերը 15.05.2019 թվականին Բավրայի սահմանային անցակետով ՀՀ է ներմուծել NISSAN-NAVARA մակնիշի, ERF5535 պետհամարանիշի ավտոմեքենա, որը 19.05.2019 թվականին Բագրատաշենի մաքսային կետով արտահանել է ՀՀ-ից:

Այսպիսով, վարչական վարույթի նյութերով հիմնավորվում է, որ Հոհլե Գեբստրաուբինգերի գործողություններում բացակայում է իրավախախտման դեպքը:

Ելնելով վերոգրյալից և ղեկավարվելով ՎԻՎ ՀՀ օր-ի 247-րդ հոդվածի 1-ին մասով, ՀՀ մաքսային օրենսգրքի 221-րդ հոդվածի 1-ին կետի «բ» ենթակետով՝

### Ո Ր Ո Շ Ե Ց Ի

1. Հոհլե Գեբստրաուբինգերի նկատմամբ վարչական գործի վարույթը կարճել իրավախախտման դեպքի բացակայության պատճառաբանությամբ:
2. Որոշման մասին հայտնել Հոհլե Գեբստրաուբինգերին:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ

ՊԵՏԻ ՊԱՇՏՈՆԱԿԱՏԱՐ



Վ.ՄԻՐԶՈՅԱՆ